



^ 16
2693
14



門 16
號 2693
卷 14

潛研堂詩集卷四

丙子春帖子詞

綵樹千花放僊萸五葉敷吉雲鋪侶錦春蚤是

天街綠意蚤萋萋殿上銀幡入賀齊幾日甘泉捷書報

春風先到玉關西

頤李西華給諫賞番圖六首

奇絕平生此度游長風駕浪送扁舟從來不信譚天衍

真到婆娑第一洲

青螺澳外鳳山偏頒賞諸番例久沿麻達暹郎襁負出

昭和九年十二月十一日購求

嘉定錢大昕

一時羅拜繡衣前
轅門初啟曙霞分
意氣軒軒屬使君
帳下健兒紛夾侍
試將蠻語問參軍
禾閒高下足官租
織就戈紋新樣姝
風俗依然是唐魏
不知身已度澎湖
輜軒別國足清接
蠻俗方言畧已諳
狀出南中閒艸木
咫聞端合傲嵇含
天南盡識相如節
海外爭傳玉局詩
重遣吳裝圖粉本
烏嵌城下賞番時

題吳冠山編修洗竹圖

無竹令人俗此語古有之
但得青蔥峭蒨落吾手
擲用千戶封侯爲主人
雅負子猷癖十笏小築谿南宅
平泉花木百不愛
獨放叢筠數竿碧
上番移種春方酣
駢頭戢戢多于蠶
堅中茶中細分別
凱之舊譜粗能諳
亟攜鴉觔自關百弓徑
蒙密一以除娟娟
新綠淨疏篁
瑟瑟瑟靜可聽
輕風敲夏響
不停著書風
幔日卓午惟見萬
个攢空青
燕郊庭際只消三兩竿
僂覺衫袂生清寒
何如家園千畝疏
影合我欲從公親授洗竹法

移寓珠曹街與禮堂夜話

殘氈斷帙舊柴車
畫裏邨夫子不如僂
指桑椹幾度宿

五年光景七移居

予以壬申六月至都寓繩匠街衙十
二月寓艸廠街衙僧舍癸酉二月寓
潘家河沿九月寓椿樹街衙乙亥二月寓
憫忠寺街六月寓橫街至是凡七移寓矣

積潦晴餘聚白沙新蒲雨後迸青芽荆高酒伴如相訪

白紙坊南第一家

刻燭論心水乳投廿年親串意綢繆前身兄弟機雲侶
仍占東西屋兩頭

圍爐燈火夜團圓丈室居然夏屋寬爨婢奚奴無彼此
兩家原當一家看

團焦小小類吳艤茶竈藤牀蠟屐雙先算安排筆硯地
棗花陰裏讀書牕

題裘漫士少宰苑東寓直圖

公天尺五苑東偏休沐歸來步履優員嶠蓬壺在人世
風光真不數平泉
風前踈地萬垂楊曲杳橋通宛轉牆不信軟紅香土裏
神僊仍占最清涼

樓外偏宜煙雨冥西山窈窕入簾青分明著色簪頭景
一幅天然好畫屏

趨臺西畔有新廬履道坊南宅不如

公賜第在長
安右門西應爲

城居少花竹天教銷夏此閑居
溫宜春夏澹宜秋避暑方知此地幽載得碧筩三伏酒

菱荷香裏蕩扁舟
斐几牙籤次第排
清風朗月見公懷
若爲評隲林居勝
應較秋屏閣更佳
溫室從容造
剡陳長源僊骨是前身
金蓮燭外雙騶引
傲煞東都獨樂人

恭和

御製懷柔縣元韻

郊圻駐翠輿
羽衛肅周廬
初旭林梢出朝霞
天半舒紅螺
峯繞髻
白水溜通渠
望幸諸童愛
康衢定跂予

恭和

御製遙亭行宮對雨元韻

浙瀝遙亭雨空濛
行殿秋層峯
疑半隱薄霧未全收
細溜松閒響
飛泉樹杪流
清塵應有意
先爲灑山郵
疏疏還密密
靜聽不知煩
最喜連畦潤
兼聞時鳥言
天當雨後爽
節爲閏前暄
明發龍旂動
先驅度塞門
四山飛瀑布
一帶辨炊煙
對景真悠爾
披襟益曠然
宸章裁綠字
御墨灑瑤箋
預卜明朝霽
羲和曉振鞭

恭和

御製出古北口詠古元韻

雄哉雷幹嶺
設險有重關
地控神京臂
天連古塞山
百

尋攀磴上一綫劃崖閒鉤抱長城峻縈回九折艱唐家
乘障成漢使戴星還誰侶 皇圖遠清風鼓角閑

恭和

御製至避暑山莊卽事元韻

到處林亭宐入畫望來巖壑宛疑僊激泓水侶空明鏡
峭蒨山當翰墨筵滿睨禽魚皆至樂會心艸木有眞緣
昇平中外承嘉譙好待溪秋 羽葆旋

恭和

御製熱河啟蹕之什元韻

秋郊新霽啟行時發軫僊莊歷廣達山路平開紅樹裏

人家半在白雲涯輕風迤邐隨龍旆曉日依微擁翠蕤
扶杖邨農頻額手停輿 問俗每遲遲

恭和

御製山店元韻

連邨結構總天成半是山樵半是耕疏柳千條遮酒幟
澹煙一抹露柴荆馬頭遠近青螺繞木末參差候鴈征
有象太平宐入畫豫游處處愜 皇情

恭和

御製都爾伯忒台吉伯什阿噶什來覲封爲親王詩以

紀事元韻

納款弟從兄承 恩襲組纓渾邪泥首服疏勒革心誠
湛露三巡洽分茅五等榮 聖朝懷遠畧陋彼滑橋盟

恭和

御製入崖口元韻

不用河江遠結陔塞山歲歲奉 鑾輿四圍列陣雲成
幕一綫嵌空石乍闔小隊呼鷹鞞脫蚤平岡試馬艸肥
初渠按諸部頻來覲翹首瞻雲恐後予

恭和

御製兩獵元韻

木蘭校獵何雄哉羽林萬騎如雲來批熊拉虎尋常目

況乃鹿友與雉媒 六飛乘秋一葢止長楊上林何足
擬亡覺雲頭冉冉迎有時雨腳垂垂起艸柔沙軟彌可
喜發蹤只如臂使指周官大獮典所詳 王道由來無
懈弛卽看一矢射天狼魚海洗兵兆應此

恭和

御製霜元韻

山迴寒偏蚤清霜亡降時白沙渾不辨紅葉最先知暗
拂昏鴉翅平添疏柳絲含豪傳 睿藻遙向五雲披

恭和

御製行圍卽事元韻

森巖羽仗自天來，雨霽重嵐掃碧埃。控鶴三千神策士，飛龍十二上襄材。令懸旌旆和門合，陣布風雲大幕開。共識 聖人親講武，不煩司馬戒銜枚。

野闊天高九月秋，伊松河上塞風遒。玉鞭亾指祥煙拂，紫幄初開瑞靄浮。雲入望中皆澹蕩，山當佳處暫停留。廣成欲進詞臣頌，詰屈空慚短韻搜。

彌山絡野勢分張，變化神機自 席堂蕃部傾心瞻。仗降王泥首，懾天綱。握奇齊列龍蛇陣，懷德遙迎日月常。頻見玉關西奏捷，攙搶掃盡 國威揚。

恭和

御製蕃劔行元韻

清波淬鏑激寒塘，流星迸采飛電芒。細觀不類昆吾鑄，渠搜佗貢輸尚方。天山之西雪嶺外，重巖百折如羊腸。四衛拉特舊屯據，夜郎自大矜豪強。控弦十萬隨指喚，谷蠡左右紛成行。就中有人最趨捷，雄視吐渾兼燒當。橫磨霜劔新出水，按鐔四顧非尋常。傳聞風雨匣中吼，恍惚變怪難具詳。分爭廿載彈指過，電光石火寧久長。此劔豈有神護守，不隨兵燹俱銷亾。一朝持獻詣闕下，從官傳視趨紫闈。由來神物歸有德，什襲合備 天家藏。什襲合備 天家藏。熊熊魂魂光氣騰，未央。

恭和

御製晚荷元韻

亭亭標格壓羣芳
秋晚猶開十里香
依約風前明月佩
參差鏡裏絳綃裝
僊肌自識能離垢
素節何妨獨傲霜
畫手崔吳應未識
溶溶祗傍玉波長

恭和

御製宴土爾扈特使臣元韻

重巖詰曲路極迂
行盡昆侖萬里賒
受吏願同烏弋國
承恩許賜綠雲茶
占風所至寧殊俗
懸度能通總一家
自是至誠無不屆
非關拓塞徧幽遐

恭和

御製雪元韻

亾淩亾淺雲圍幕
空整空斜雪散絲
始識僊居在人世
瑤田瓊樹只如斯
不愁落葉連山積
還有餘花著色開
雪後塞垣無隕景
天工畱待聖人來

萬樹綴來珠的皪
千峯疊就玉嬋娟
此中疑到光明國
慧業重參清淨緣

恭和

御製允南省諸臣之請于明春恭奉

皇太后再舉時巡詩以紀事元韻

年年宵旰軫斯民載舉虞家典四巡長奉 慈顏娛太
姑克繩 祖武繼高辛天低牛斗星遙接地入徐揚境
是鄰獻賦咎時真忝竊重逢盛典感 恩頻

恭和

御製固爾扎唐火用唐韓愈陸渾山火和皇甫湜韻并
效其體之佗

玉關以外逾羌渾伊犁之水無盡源洪波齋淪自吐吞
上有祇林高以軒齋魚粥鼓香薪燔剝竿百尺凌遙原
部婁輒敢矜厚坤問誰撈建來西堪瓦刺遺孽盜塞垣

彎弧鳴鏑窺花門張眼不識扶桑暎爰爰者兔啾啾猿
嘯聚蜂螳驅魚龍腐鼠漫欲同游鷗眈眈虎視兼狼奔
一傳而後彌自尊鳩材爰構祇陀園苾芻優婆類實繇
偏袒膜拜唄誦喧汰螺鈴鐸閒篋填蠹爾詎解參風旛
失笑何異蝨處禪梵相殊詭露肘臀鳩茶藥义劾挾轅
天魔鬼母弓垂韃人非人等牽朱幡席門空爾颺風帟
神不顧響其脹膳前年王師戊巳屯日昭昭兮昭戴盆
蕃落鞠脆陳酒罇彼狡豎罪何可言煽誘黃帽心覆翻
干上帝怒難平反祝融承命頽兩暖除惡務絕其本根
一花五葉紛兒孫若寇有綏履有踧合掌不知報佛恩

澹石堂詩集 卷四
九
迅掃惡業還真元轟礮砰礚不可援懲汝助逆并案論
雷車虹靺燭九闔青紅像設無畱瘡天意褫爾貳負魂
膽裂魄慄心煩冤犇竄大宛難久存宵無廬帳朝無燴
烏合數輩豈世婚王師再舉出堅昆布陣雲立還山蹲
怪鷗那許飛騰騫渠魁斯得土雪怨誓批猘獮屠鯨鯢
大書淡刻銘崑崙日月所燭警昧昏除殘不愁玉石焚
天人感召非虛煩迷瞶罔覺心爾捫

帳房四首

斜支布幕當團焦小幟風前各認標椽杙了了張鴈翅
奚囊一一卸牛腰破寒亾藝圍爐火趺坐眞成放帚寮

彷彿春江煙水闊圈篷船泊短長宵

直將大地作蘆野曠沙平展幔初半面放開延月入
四圍密釘避風疏道旁築舍成偏易岸上牽船景畧如
家具比車還覺少葺嫌一日一移居

卷舒隨分占山坳行處還從馬後捎豁爾復疑林屋洞
呀然只類惠施匏三竿日出俄成集五鼓鐘敲各打包
身佻社前飛燕子偶然得木僂營巢

與我周旋有幾春團欒鐙火夜分親都嘗風雨冰霜味
長伴東西南北人上銳下豐伸腳穩前軒後輕打頭顱
往來細把光陰數鴻爪泥中幻亦眞

御試賦得夏雲多奇峯

藹藹層雲合蒼蒼遠嶂重垂天纔一縷拔地忽千峯
仵佗凌虛勢仍含出岫容卷舒排玉笏突兀簇芙蓉
卓立全開面光明欲盪宵懸崖疑似鷲觸石宛如龍
萬壑空中落三山海上逢御園晴眺處歷歷翠微濃

送蔡葛山少司寇請養歸里

廿年稽古被殊榮清望西曹冠列卿海內文章韓吏部
昌黎由刑部侍郎遷吏部故云閩中人物蔡端明由來勇退
魁骨況是陳情出至誠歸到北堂萱葉蚤小春已見惠風生
起居八座古來稀樂地偏于名教宜綵服回風依御下

板輿置酒趁花時一行帶艸康成里六首咳蘭東哲詞
祖帳都門傳勝事如公真不愧經師

蔡少司寇觀海圖

騶行譚九州奇詭不可稽海外環以大瀛海阿誰津逮
窮端倪先生卜居近海上三神咫尺堪攀躋讀書要窮
萬里目有令局促同測蠡太武峯高接縹緲五稜直上
青雲梯天風浩浩海水立光明世界堆玻璃怒濤碎磔
自奔湧有侶萬馬爭鳴嘶海若游戲劇狡獪撞鐘伐鼓
振鐸輦須臾一輪出鏡面樽桑隱隱枝柯低茲游奇絕
足千古下視河伯猶醯雞十年移家住人海蓬萊侍直

趨金閨文成懸河瀉萬丈導源星宿注百谿夢游時落
滄溟外忘機欲狎鷗與鷺獨來一櫂賦歸去釣游舊跡
今不迷九十九山青滿眼櫻鞋筇杖相扶攜壯觀重佳
第二卷褒池珍重開黃緹

自珠巢街移居宣武門外顯壁

眞侶山僧慣打包桑椹三宿等閒拋勞如車軸無停轉
拙比林鳩未定巢市近米鹽喧百畔客疏塵土積堂坳
年來學得安心訣容剗三閒卽樂郊

金鐘越秋江擁櫂圖

兩三株樹風瑟瑟四五尺水秋淙淙天邊賓鴈落幾點

沙尾母鴨飛一雙煙波變蓑笠小影倚杆子款乃舊腔
菊花黃酒獨自酌醉著高枕烏篷窗

送座主海寧相公 予告歸里卽次畱別元韻

清望朝端孰比肩溫公事業潞公年丹霄地峻擎中極
黃閣班高領列僊北闕上章陳雅尙東門祖帳賜華筵
春颿安穩三千里看徧江鄉蔗芋田

近光常被日華臨黃髮番番在禁林應變守文真相畧
立誠主敬大儒心明農歸去畱姬烏洞酌歌來矢召音
手補袞衣無闕事太平元老合抽簪

三朝珥筆侍彤廷舊種槐陰已滿廳絳帳論文清侶水

朱轡開府福爲星卷舒自在春雲藹衾影無慚夜火熒
儒術致君從古少韋平家世有遺經

午橋水伴珮環鳴丞相安車取次行到處吟風還弄月
陪游張丈夏殷兄黃花晚節秋逾潔海鶴精神老益清
料得平泉閑撰杖肯忘曳履殿頭聲

秦華高峯大海瀾樂全那要九還丹千秋道脈承非易

一點靈臺畫亦難謝闕夏間頌晉秩詔加太子太傅賜閒未

許竟休官特令不必開缺臨行鄭重頒天藻袖有驪珠拜手

看

栽成桃李已經年得御龍門喜欲顛雪夜每參洛下座

菱谿常預醉翁筵清衙漫竊同冰冷學道無能媿火傳
遙望台星滄海上從游何日重殷然

海寧陳文勤公輓詩

赤舄三朝望蒼松百鍊姿獨能扶直道真不愧台司寂
寔還鄉夢淒涼墮淚碑它時言行錄應與富文垂

題盧紹弓編修檢書圖

書齋十笏清且佳丙丁甲乙牙籤排主人謝客門不闕
尙友直與先民偕丹黃鉛槧不忒手盡掃風葉無纖霾
自從二篆變隸楷豕虎轉寫多參差有宋以來雕板盛
南閩西蜀逾江淮咄哉俗生不自量叫噪培井官私蛙

金根鋸錙私竄易坐使真本嚙沈埋以茲繆舛貽末學
猶以烏喙投積瘵日思誤書乃一適子才所見何其乖
先生博雅由天授上窺姚姒追皇媪百家七錄咸瀾覽
夜分雒誦然麻稽平生汲古得真諦屏除俗說刊淫哇
觀書如月靡不燭若然洞中窾會皆刊誤真笑李涪陋
正俗切與顏籀儕一瓿俗鈔倘見許儼屋恰近春明街

送毛伊人檢討還萊州

同年五載又同官意緒纏綿有萬端忽聽驪駒初戒道
教人真數別離難

著書善病亦吾徒膠漆酸鹹畧不殊寂算西窗舊時燭

夏誰主客譜新圖

金薤遺文世少知從君一一剖然疑不知天柱山南望
可有熒陽第二碑

石刻何人辨糾紛唐公德政拓遺文如何靜治堂中錄
只說萊州于府君

孤瘦真如病鶴身掉頭歸去理漁綸頭銜仍領承明署
未是行吟澤畔人

石鼓

岐陽石鼓其數十至今遺碣雷橋門甲乙迄癸分左右
古色斑駁侔敦甌團團柱礎忽中斷纍纍覆釜當階蹲

滄石堂詩集 卷四
磊塊面凹侶杵裂彭亨腹果欲手捫鐫鑿歌詩垂不朽
三百字比千璵璠奎斗墮地芒爛爛蛟螭拏雲形蜿蜿
文斜時佗倒薤勢苔缺半露屋漏痕田車旣安宮車寫
右驂驥驥左旛旛小大具來樂天子吉日丙申蒐于原
麇鹿雉兔暨獮蜀其來趨趨咸歐奔禮成歸格禘嘗享
獻用太祝陳脈膳摛詞侶出吉甫手車攻常武齊肘覬
況兼史籀筆蹤古天矯鸞鶴雲中騫蟲書禾穗恣始變
下視斯邈皆兒孫斤權毆烝強分別一笑辨口徒瀾翻
岫嶠禹篆跡茫昧好事摹拓猶紛絳銅盤殷銘壇山字
亞駝詛楚多謾言二代遺文漸漸滅歛忽過隄雲煙屯

巋然此鼓獨無恙四千年物能久存自雍移汴入燕市
歷恆沙劫如晡昏金石集錄此最壽獨立誰與爲弟昆
成均位置特帖妥滾檐大厦繚以垣鐘鏞柏簾共陳列
永鎮竹素千秋園平生愛誦韓蘇句橫空奇語恣騰掀
佗歌媿之懸河舌布鼓敢向雷門論

送禮堂學士典試福建

玉尺眞煩大匠持八閩迢遞使車馳目空已盡驪黃種
手植都成桃李枝朝望歐陽眞學士文壇孟縣是宗師
僊霞嶺上新秋路天遣畱躡絕妙詞

奉 命典試山左出都述懷

容臺宣 詔出明光相馬真慚比九方濟上定多名下
士岱宗況是聖人鄉沙平冀北停行騎月落盧溝趁急
衰卻憶十年前此日蹇驢席帽大功坊

自良鄉南行遙望大房諸山口占

無心舒卷暮雲還百里諸峯鬪髻鬟貪看大房濃翠色
涿州南太夏無山

涿州二首

舊宅樓桑在祠宮闕古苔千秋比豐沛遺恨不重來
潞涿君誰是狂生語太闌西州求士日何意思芳蘭

卽日

蒼茫平泉路停鞭四望餘乾沙疑積雪古道半成渠秋
思間蟬後人家剝棗初冷然風亾過殘暑已全除

白溝河

我行白溝河鱗鱗綺塍接遙見稷與黍有穗無一葉停
輿問田寥蹙額久乃荅飛蟲肥者來紛若蝟毛集葉傷
心已枯安能結寸粒之蟲夫何知蠕蠕仍戢戢風露恣
汝餐謀食胡太急中飽會幾時撲滅行自及物性固如
斯令我增喟吧

過河閒城外居民有種棉花者

吾鄉木棉大于蠶每到秋收鬧比鄰今日河閒城外路

潘石室詩集卷四
眼明如見故鄉人

贈梁秀才用梅

秋碧風流擅一時謝家玉樹有孫枝門才共數烏衣巷
蕪苑新傳白雪詞清侶冰壺真見底澹如春竹自多姿
撥奇況具歐陽癖響揚摩挲辨色絲

梁秀才以秋碧堂帖見貽賦荅

泰山流落一豪芒過隄雲煙詎易忘自到平泉畱祕本
人閒不數戲鴻堂

東方朔

奏牘三千墨未乾歲星幾載住長安一囊奉粟饑須忍

怕佗將軍食馬肝

匡衡

說詩妙處解人頤牢石同朝默不知但服儒衣稱醞藉
李微陳惠亦饒爲

荅醫者

人羨生遼左補中功殊特一莖重五銖白金一鑑直良
醫憫我衰苦勸厲聲色家雖無甌石孰與身命亟假貸
猶足支何苦自遴嗇服之勿遲遲後悔無終極再拜謝
醫言生歿匪藥力上藥果活人誰游不歿國維揚富家
翁儲羨當蓐食用之或失宜大隄在頃刻昨聞田家嫗

百歲髮尚黑有病不求醫三極眼未識

醫言本多病

多病方求道端居且避囂無心調息訣不寐讀書宵舌
以柔難傲松因勁後凋南華養生主第一是逍遙

題張憶孃簪華圖

圖藏繡
谷蔣氏

褰屐風流宛舊時綵雲化去杳難追何人解喚真真畫
有客爭顚好好詩

一枝春到鬢雲邊盡道呈花臉夏妍不遇才人洪玉父
千秋那得小名傳

珠喉一串案紅牙好事爭迎油壁車怪煞休文歌六憶

不曾相憶到簪花

春風繡谷列金釵細步纖纖引上階六十年來傳本事

青衫紅袖說蘇齋

我有青衫無隄淚與君紅
袖一般多蔣樹存顚句也

西極功成

聖武揚紫宸稱賀集冠裳黃圖遠闕堅昆

塞朱鷺重歌魚雅章日運萬幾逾業星馳八陣綿雲

堂神講有濯高二捷盛事無前邁一匡續序

十宣威往歲定遐荒天山雪霽銷烽燧磧嶺霜寒試

鉞執馘虎臣齊矯矯射生騎士並流光屯田已過伊

潛研堂詩集卷四

門人黃鍾校字

病方求道端居且避黨無心調息說不寐讀書宵

不難傲松因勁後荆南華卷生主第一是遺蓬

題張靈慶舊詩

衰履風流宛舊時綠雲花亦香難追何人解喚真真畫

有客爭頭好好詩

青林綠林信蕪齋

林一題多蕪樹并題同也
是青林無別題與取錄

人供玉父

春風蘇谷夜金燧蘇也蘇蘇氏土留六十羊來對本車

不曾臥亂陸替芬

潛研堂詩集卷五

嘉定錢大昕

回部蕩平大功告成恭紀一百韻

西極功成 聖武揚紫宸稱賀集冠裳黃圖遠闢堅昆

塞朱鷺重歌魚雅章日運萬幾逾業業星馳八陣總堂

堂神諱有濯高三捷盛事無前邁一匡纘序 兩朝欽

至孝宣威往歲定遐荒天山雪霽銷烽埃碑嶺霜寒試

劍鉞執馘虎臣齊矯矯射生騎士竝泚泚屯田已過伊

犁水乘障無煩都護防滑上呼韓初築邸殿頭韻利許

擎觴靈臺測景分昏日重譯占風共享王勃律陪臣瞻



日角洛邠侍子觀 天閭傾心內向同葵藿汗血牽
徠盡驩驩大閱和門旗正正山莊曲宴露瀼瀼三階常
朗星從斗八表攸同網在綱翩彼飛鶚猶會甚蠢茲黠
鼠漫跳梁花門樛種原無定大倉分支杳莫詳俗尙高
車傳自魏派承回鶻衍由唐兩曾項領依蛩蟹窮塞么
麼轉蝓蛻俛首頻年隨籠絡推枕一旦脫銀鑰何期狠
子心終野俄見螳螂臂已攘伏莽頓施蜂蠆毒控弦欲
任鸞鳩搶六軍聲罪詞嚴正七萃遙行氣激昂分遣材
官傳羽箭還咨典瑞下牙璋上襄齊騁金羈勒小隊爭
裁鐵補楛初抵庫車申討伐羣看禁旅競騰驤摧枯屢

振稜威壯漏網翻令小醜颺改命師中謀上將爰攜麾
下度連岡鷹揚衛士材無敵燕領元戎勇莫當傳檄諸
蕃胥惴伏款關百部效趨踰阿蘇郭外浮醕酪烏什城
邊獻柘漿鄉導前驅按虎穴諸軍滾入歷羊腸奔麋踪
伏應無地瘳犬猙猙尙逞狂四面崇墉遙屹屹一麾徑
渡正茫茫流星隊隊鳴鶻急掣電瞠瞠激石強奪禦甫
徵人伉健揮鞭偶值馬元黃列營仍占層峯險築堡旋
當黑水傷撼信岳家軍不動守如墨翟應無方連宵格
鬪空卷勁排日塵兵擊鼓鏜不數耿恭求井拜還勝道
濟唱籌量軍書絕域傳郵到 庶畧先幾握算良五校

趙桓已蚤發八旂健銳各分行蘆笳響遠吹邊月鐵甲
光寒踏曉霜兩月兼程經瀚海先春轉戰度河湟前茅
票旅紛超距後隊驕蹶亡脫韁入夜斫營風獵獵平明
合隊氣橫橫徒胸突髻徵吾壯隴種籠東晒彼惟其計
大勛倖破竹始知秘策比揆囊休兵暫命三軍駐制勝
誰能一旅亢投石驍騰交習鬪飛芻絡繹每因糧裹餼
餉處頻盈橐抱布歸時恰滿箱畧地和圍揮短稍屯兵
玉隴奮長槍遙知山壓無完卵蚤見瓜分剩破瓢引脰
鏡中方悚惕游魂釜底益倉惶驚弓漫訝飛鷹墮鋌險
俄傳駭鹿心遠挈妻孥行不立盡攜輜重走跟蹤名城

次第來降表伯克趨迎夾道旁日月無私歸所賜雲霓
有象久相望酒漿戶戶盛樽缶糗果家家載筐篚樂德
其間歌宛轉承恩翻使涕淋漓浪迹疏何幸霑 皇化撫
字重煩奠此疆令甲新頒人皞皞先庚申命澤洵洵丁
中黃小皆登籍黍稷梁稼競築場吉貝花繅勝南粵蒲
荀子熟侶西涼青蚨改鑄司農式赤鋌仍輸少府倉遂
使窮荒分尉候長令編戶樂耕桑犁庭已見龍沙靖臨
影難容獸迹迅捷比票姚征遯濮健躅充國定开羌衝
堅竝放千鈞弩剷逆爭持百鍊鋼突騎登山凌截梟神
槍臨淖震雷碾千夫賈勇螿弧舉萬眾呼降龍燾張鼉

兔投林空齶齶飛蛾赴火漫俚俚遐方延踵咸歸化蕃
部同仇共侮亾捧檄纔教擒契偷援戈親爲燼封狼三
驅宵使前禽失壹發頻看大兕戕疏屬尸方械貳負專
車骨已折汪茫椿喉眞快人心憤懸首還將國泐彰進
表稱臣趨魏闕訊囚獻馘到虞庠從茲遺種蠲芽孽永
見新畬絕秀稂露布明駝馳遠徼星躔候琯應初陽握
樞乙夜垂衣肅送喜千官佩玉鏘師克在和嘉眾帥功
成惟斷仰吾 皇天休滋至時難失 祖烈丕承動必
臧直拓提封周二萬獨恢大畧軼尋常 園壇昭告瞻
顛若 清席升禮倍肅將諏日 陵園陳鬯占分曹嶽

鎮禮琮璜百神咸秩隆儀舉 三殿親臨鉅典煌 聖
澤普霑高以厚 慈寧齊祝壽而康南薰解愠仁風扇
北陸迎長淑氣翔異數酬庸增巖秩近郊宣勞奏笙簧
析圭已荷盼茅土賜馬羣看簇繡瓊蒲海沙平明侶雪
于闐玉美白于肪洗兵欲輓鉞河水度索應通濛汜鄉
鉅製伊西鏡壁嶂鴻文太學炳琳琅捧來薤葉芝花潤
拓取鍤鉤鐵畫褒允矣豐功垂宇宙咄哉浮議沸蜩螗
一篇特啟羣言惑五載眞勞 睿畫長燕翼有謀貽
列聖至誠所感協 穹蒼乘乾惕惕惟無逸保泰孜孜
自不遑豫順行師功算尙謙尊下濟德彌光宣鏡願諧

昇平曲拜手陳詞獻未央

巳卯除夕

謬占金閨籍于今歲八除思親頻佇望報 國愧迂疏
病久無良藥家貧少異書光陰敲石過太息負三餘

初春懷鄉襟詠

郭澤塘南顧浦西

水東日記范石湖為李結記濬塘浦云浦有五曰新洋江曰小虞曰下張

曰顧浦塘有三曰郭澤曰七曰口至和

吾宗四世卜幽棲肥田屋後秧針

細漲水門前蟹斲齊市小數家成一闋酒醕有戶俗偏
提官租輸了無宅事饋歲紛紛筮楹攜

土風瑣碎記邨氓故老相承例莫戛振子驅邪蒙紙面

銅童祀竈焚燈藥支門炭取長身立印砌灰偏巧樣呈

拜節家家總相識不須半刺要通名

人家大半住茅茨木几藤牀位置宜黃皺香櫛裴定武

紅凝天燭插軍持春風游展徐公浦夜月神絃英布祠

吾鄉以英布為土地神

傀儡登場纔過了盲兒遮莫又彈詩

人日元宵興不孤小時了了記歡娛燒鐙巧解藏頭謎

對局偷拈謁選圖潘安鬪歌宵按板陳孃貫酒午當壚

橋東巷北嬉游地二十年來夢故吾

題倪敬堂同年西谿探梅圖

桃李漫山未足珍橫枝數點逗先春天然清瘦非凡格

比伯先生骨性真

橫空嫩蕊簇疏枝彷彿西谿入夢思
共羨繇花滿頭插
幾人賞到未開時

樸學君家世澤沿黃門介操憶當年
七清妙墨依稀在
要與茲圖一例傳

恭和

御製三月朔日御殿定邊將軍兆惠副將軍富德等率
成功諸將士朝謁詩以紀之元韻

金殿晨開鵷鷺排六師大獻愷歌皆分茅列爵周二等
舞羽敷文舜兩階蕩蕩天門初日啟依依楊柳入春佳

行閒將士羣羅拜共喻投膠 聖主懷

恭和

御製上巳日凱宴成功諸將士元韻 八首

青郊宣勞禮言旋王會新開西海壖五載豐功天祐

聖萬全成算 聖因天洗兵魚海龍沙外張樂流觴曲

水前嘉讌昇平當此日春臺何地不熙然

澹蕩韶光春事淡連茵曲宴集華林倉華鳴鹿來郊楸

在藻游魚戲水潯九奏鈞天人既醉八風妙舞樂難禁

手檠瑤箏斟初徧要識分甘 聖主心

玉關新柳正垂垂壯士長驅入塞時犒賞百千沾闔澤

登咸三五慶昌期
饒歌試譜伊涼曲
鼓吹新翻洵賚詩
繩武由來追祖德
百年豐邑念留貽

屈指師行暨凱旋
輸將幾歲荷除蠲
握奇乙夜義軒
畧推轂三軍衛
霍權往矣冰霜酣
戰地來思花柳暮
春
天回中伯克全歸
附葱嶺西偏執訊
連

瓊筵曉啟趁芳辰
飲至論功異命申
五等析圭先燕頤
千官獻壽近龍鱗
卻從衅甲橐弓日
爲念披堅執銳身
感激一時齊額手
臨觴猶軫結纓人

生長行閒荷聖憐
從征親到雪山邊
眞逢采玉于闐
國使觀竿頭涿鹿
年拔幟名城誇趨
捷執爰絕徽盡精

堅卽今秋杜歌成
日譜入南薰叶舜絃

纏頭別部向風歸
羅拜華桐初日暉
盡識軒轅通道遠
方知光武閉關非
金人捧劍剛修楔
玉塞韜弓遠集機
大倉刀環爭入貢
天戈從此已停揮

三日風光朗夏清
禮成上壽聽呼聲
勛名眞見圖麟閣
賞勞頻煩酌兕觥
錫宴周京多受祉
詰兵禹迹克方行
欲知討叛綏邊畧
保泰淵衷在不盈

恭和

御製塞宴四首

名馬數百皆龍媒
牡者四驪牝者駮
誰其騎者惟嬰孩

控之曾不施銜枚神鎗一聲殷若雷翻身上馬寧徘徊
風雨驟至急箭催砰礚振蕩何喧虺直下峻阪凌曲隈
四蹏飄瞥無纖埃二十里外往復回如響斯應彈指纔
就中卅六尤傑魁觀者叱舌驚且哈詭馬舊俗有是哉
至尊顧之歡顏開宣敕頒賞陳觥壘名藩小大紛具
來拜手敬進萬壽杯

右詭馬

天淨秋高張大幕頭鸞宴中什榜化蘆笳羌笛應節鳴
亦有箏琶襍弦索將進酒遠如期當筵自奏樂府詩
陛下之壽千萬歲東臣元菟西月氏前有緩聲後有促
拍颯颯入巨太古音不減撻金與拊石敕勒企喻古所

傳白狼慕德共勉旃况今龜茲諸部盡內屬西涼散樂

更進破陣篇

右什榜

高秋曲宴紅糴鋪布庫之戲古所無壯士脫帽膽氣麤
先聲直欲吞於菟空卷搏躡兩兩俱騰蹕掀振百變殊
角力以智分鎔銖失勢一蹶愧弗如何人得雋酌以觚
整暇自謂可賈餘彼哉厄魯亦善鬪坦腹跣足不巾袖
老拳怒臂發以驟使氣氣出若饋饒强者植立弱者仆
伏而盪腦亟相就屈肩著地昂其脰有覩面目悔大繆
勝負既決斯放手曰四衛拉俗之舊吾 皇顧之樂且
康何以予之蒸黃羊天廚禁臠大噉也手爲箸腹爲

囊鞠脆再拜頓地搶食指不動已十霜一飽何幸在
帝旁 天章頒示紀事詳昇平同樂誌不忘 右相撲

平原如掌水艸肥驅來駿馬各不羈滅陽弗方類自別
升甌上阪隨所爲誰與少年雄且傑短後之衣長竿掣
翻身走馬疾于飛欲使生駒就銜繼雕鞍繡勒色樣殊
控繫未及跳擲俱有如負奇跣跣士倔強不受人閒拘
飛揚跋扈賊且急有時稀突他人立乘閒直上跨其顛
持之以暇久方習八尺曰駮七尺駮追風躡景游八垓
乃知駕馭得其道上襄詎乏飛黃材維管周官訓馬政
佚特攻駒順月令卽今塞北多名藩善馬調來千里騁

至尊九月行禱田割鮮行賞排長筵慶人閒試教駮
泐小雅兼陳攷牧篇況聞天馬徠西極大倉康居歸有
德不是 君王神武姿絕域安能服羈勒 右教駮

恭和

御製行圍元韻

平林呦鹿自牲牲六轡安行不動塵疊嶂環來成帶幕
周陔結處儼城圍材官共試批熊技蕃部新攜回鶻人
咫尺 天威齊額手塞垣肆覲拜 恩頻
舍茨張羅各有司名王扈從遠如期天開靈囿規模壯
山入溪秋眺覽宜壹發共欣威遠振三驅仍示惠兼施

承平詰武還綏遠豐芑貽謀監在茲

恭和

御製哈薩克使至俾觀圍元韻

葱嶺西偏逐艸居獻琛久已隸方輿六師韎韐歌瞻彼
萬里郵籤蚤跂予特敕陪臣從捺鉢重教獵士布周陔
漢家漫詔長楊賦蕃使來觀詎有諸

九日同習庵舍人叔華上舍晦之弟游城南登

陶然亭

不到城南五載餘軸簾眞侶蜀巖居登高偶趁重陽節
結侶同乘下澤車淺水牛涔經雨後遠峯螺黛勝春初

聽來吳語眞多味曾是當年共隊魚

十笏閒亭曲徑旋到來僂覺避喧闐三秋鄉夢囊萸後
一段詩情落木前廢廠尙傳宣德樣古幢細認壽昌年
卻輸扈從灤陽客直上興安絕塞巔

謂禮堂
光祿

送孫勛堂之官皖江

曲江簪取一花新僂縮銅符出牧民名士何妨工製錦
甘霖況是果隨輪底須諧自山陰授會見名逾漢吏循
說與孫廉兩字訣它年惠化定如神

荅施鐵如上舍見贈之作用山谷東坡贈荅詩

韻

寸田不自耕坐成荆棘場活水來有源斯涵千頃光眾
卉亦蒼蔚所愛蘭蕙香幽谷本無言登之空巖廊彼美
淮東彥抗志追羲黃詞壇趙幟拔道味伊俎嘗置身百
尺樓白雲翼其旁自立良獨貴勿爲遺俗傷

下里久聒百洽洽聞古聲郢中引商羽碩人歌榛苓三
歎竟此曲愧非鍾期生金斷本同心萍合乃異蒂相賞
自有真詎以形迹計昌黎有遺言雲龍願相侶

冬至齋宿題壁

樸被奚囊載滿車迎門呵殿吏人譁洽官公事常多暇
逢著齋期始到衙

煖炕騰騰石炭薰呼童拚掃去塵氛詞垣資格皆前輩

促剗相從話夜分

謂吳易堂朱石君秦澗
泉三學士周石颯侍講

東廳槐樹老輪囷偃蹇離奇不我親太息誰能如汝壽

空庭閱盡去來人

待詔廳事前古槐一
株蓋金元以前物

正月二日夜雪用東坡聚星堂韻

茶爐半槍始展葉夜窗手點浮綠雪開門密霰已滿庭
狂呼失喜冠纓絕軒轅忍寒肩輶簪柴桑習懶腰愁折
松枝插戶壓漸低銚影搖空暗欲滅生涯碌碌風輪轉
歲月堂堂電光掣頻浮薊北柏子樽苦憶江南梅花纈
停雲遠道空滯畱歸夢殘更付騷屑詰朝初旭雪半消

浚儀堂詩集 卷五
侶有仍無只一瞥空中色相定何著文殊師利猶多說
優須參訪不二門願我舌根鈍于鐵時有扈從五
臺之命

恭和

御製恭奉 皇太后謁 泰陵因至五臺瞻禮卜吉起

程得詩八韻

孝治協人天重光 帝德宣上 陵崇漢典肆觀展虞
年演法參師利延 釐紀握先啟途張翠葆初日出黃
縣官路西郊直人家東他優孽雲山疊疊迥露艸芊芊
已致登三治還尋不二緣承 恩諸父老額手屬車前

恭和

御製過蘆溝橋元韻

西陸朝觀將出冰 六龍夙駕官道平鼓車記里未一
舍長橋翼然自脊稱渾河西北來厥性善遷徙酈元所
記載曩跡半湮矣上游多山下平行所難不在首在尾
至尊指示周且詳疏瀹有方勿勿誘從今永永慶安
瀾永定之名不虛百

恭和

御製良鄉行宮晚坐元韻

吉行五十首 駐蹕暮色自遠蒼然生窈波孤塔湧香
界憇頭兩峯抽筍萌有滄雲興未成雨艸木欣欣如有

清和堂詩集 卷五
情行齋清永供 宸賞景物到隄皆空明卷阿游歌詠
為樂無非事者春省耕

恭和

御製見新耕者元韻

柳穉初綠麥苗滋有事西疇及是時二月幽風人舉趾
分明粉本馬和之
新畬如罨足遐觀蹂踐頻間戒從官莒葉杏花農候蚤
一人春省萬人歡
焚香夾路拜 恩齊扶犁皤然與卯兮欲識太平真有
象煙中簞笠雨中犁

耕鑿堯民佗息均不須布穀巧催人臘前三白春初雨
好協維魚吉夢頻

恭和

御製直隸總督方觀承奏報易州等處得雨元韻

陣雲如墨勢方酣滋液燕南又易南天遣兩師先灑道
人迎 日馭望停驂 丹邱不遠誠能格綠壤均霑樂
且湛欲擬載芟良耜頌小臣橐筆祇懷慚

恭和

御製永慕齋墨舊佗韻

橋山咫尺構 宸居 帝曰精誠庶鑿予天緯依依通

旭卉 皇風皞皞繼義遠永言弓劍心恆慕如見羹牆
境豈虛入暮廉纖將佗雨八神先路爲清除

恭和

御製謁 陵禮畢載啟西巡瞻彼臺山祝茲 介祉元
韻

麗農瑤室占高涼 親祝 純釐孝治彰五百僊人行
教地三千泐界大慈光 金柜啟處祥雲擁玉燭調時
化雨長天保九如天瑞協至誠昭格 聖心寢

恭和

御製曉煙元韻

暮山含紫九秋凝春曉看來景最勝澹侶游絲飛不定
濃如蒸餺氣方升柳容新沐黃千縷麥氣微烘綠一脰
山市人家貪起蚤炊煙隱隱出高陵

恭和

御製日日元韻

吉行日五十羅拜盈馬前十年望 幸心何異望歲焉
雨陽旣時若耕鑿皆安便 詔書免正供觀者杖屨駢
出佗入而息不知何以然三多祝我 皇庶符觀華年

恭和

御製曉行卽景元韻

澤研堂詩集 卷五
曉雲鬢鬢未全晴
邨屋炊煙次第生
貌出山居農作景
人從摩詰畫中行

巖巒複沓路回斜
蘆荻初芽柳未花
陌上豚蹄春賽社
堪曠持少願偏賒

一帶嵐光繞遠坳
好在望玉鞭
停恰從拂霧籠煙處
全歸霏藍翁黛形

甘澤依旬候不遲
歲占大有夏何疑
伊祁山下倉箱滿
遙祝千斯與萬斯

恭和
御製曲逆故城元韻

遺封猶是壯哉城
阿世難逃身後評
但割膏腴肥諸呂
笑渠分肉那能平

反閒徒誇沮范增
第功畢竟遼陽陵
美如冠玉中何有
變理陰陽或未能

恭和
御製顛愜適齋元韻

行旌小駐古渠濱
猶是伊祁舊俗淳
峭嶺山容眞入畫
霏微雨腳不霑塵
唐河九折窗前見
隄柳千絲檻外春
別有愜心嘉景在
堯民擊壤望堯巡

恭和

御製復雨元韻

極望重巖又作霖春鳩喚雨杏花陰雲容夔黷低猶濕
樹色依微綠漸滾古道衝泥添滑滑懸崖濺瀑尙淋淋
天膏卽是君膏澤誠意相孚在一欽

恭和

御製降旨免宣化府屬民欠詩以誌事元韻

體仁以長人義在易春秋有孚占元吉是惟益下優涿
易洎恆代玉輦首經由復除眚頒詔後樂常先憂
猶恐地僻左或致向隅不延訪咨大吏尺一下置郵災
黎所通課調放無徵收二月春始和好鳥鳴粟畱山田

耕及時樂哉助以休龍門亘赤城養欲給所求耕三可
餘一勉旃足食謀

恭和

御製雪元韻

二月十九日

臘前瑞雪占三白春蚤甘霖慶九農
泐駕漸臨香界

近天花先灑翠微峯

簌簌六出點行旌茅屋依稀是雪坪一望千山皆玉立
天工渲染若爲迎

藻思禪悟兩相期萬斛源泉千首詩一片輕雲飛几案
金壺初試剡藤時

踏雪扶犁未少休，邨邨叱犢尚鳴牟。勢山駢石皆宜稼，
何論三施夏五猶。

恭和

御製停蹕元韻

暫止信人駕，師紆陛楯勞。濕雲迷靄靄，遠岫竊周遭。
一宿停清蹕，千屯儼列曹。幾餘吟趣洽，斯咏復斯陶。

恭和

御製晴元韻

連朝兼雨雪，此日喜新晴。古道山腰轉，前旌樹杪行。
平疇猶帶潤，細艸已滋萌。遙指周廬合，紅雲拱幔城。

恭和

御製阜平道中作

積雪澹于一幅練，鳴泉清入五絃琴。人家半在山溪處，
遙見炊煙出柳陰。

一邨欲盡一邨連，風景分明似剡川。父老呼兒課東作，
無過鑿井與耕田。

龍泉關外駐輕轡，咫尺僊山路舊諳。天外數峯明霽雪，
清涼世界靜中參。

派河亾漾麴塵絲，彷彿僊源異境移。好是杏花菖葉候，
春旂遙拂柳梢時。

恭和

御製三箭山巒舊作元韻

豐碑御射舊曾聞天錫 仁皇勇出羣飛鏃同時穿巒
嶂呼嵩萬歲動千軍霜濃白羽三成勁斧劈青巒一道
分今日 神孫重繼武王弧親試氣如雲

恭和

御製射虎川元韻

一綫雲關峻嶺前當年射虎尚名川唐弓親輓 神如
在夏諺來游事宛然 祖德懋貽以燕翼 皇心克紹
若稽田卽看撥穴恢天網葱嶺西頭振旅闡

恭和

御製自長城嶺至臺懷再依 皇祖元韻

龍藏載五頂演法自曼殊眷屬一萬眾東來歷雲衢大
啟功德門示以清淨途各各生歡喜合掌寶號呼微聞
千塔塔鈴語清于筭 時巡祝 純嘏詎爲游觀娛長
城塊兮軌曲徑繚而紆清涼境不遠天開靈異區彷彿
常喜國室利之所都五朶青芙蓉可望不可圖神鑑夜
光見地菜汰雨濡天人跨後貌妙手徒形楫百千億化
身非有亦非無

恭和

御製殊像寺元韻

不二真如相何曾泐報殊圓光融指月妙諦悟衣珠棲
鵠禪王窟乘猊道子圖天花迎羽葆咫尺即雲衢

恭和

御製顯通寺卽事元韻

演法遙居七祖前金身入夢憶當年肇開震旦獅王窟
宛侶靈山鷲嶺天二度巡臨祈介祉十方供養拜
瑤筵成腐彈指分今昨戒慧還須積寸田

恭和

御製羅漢坪元韻

妙相三十莊嚴誰能過各生歡喜心受福詎不那何
人寫殊像永峙山之阿諸方護持者天龍摩睺羅侶聞
梵夾書名號各異科八百與五百沿襲多紛訛況此缺
其一師足笑且呵本無我人相分別他甚麼

恭和

御製眞容院再題元韻

上方雪初霽寒意條已退止輦禮花宮像設妙于續
三十二好相如月圓不晦是真見文殊歡喜復遐愜百
牟尼珠圓八功德水溉聲聞辟支乘誰能企頂背

恭和

御製閱武元韻

展義臨三晉乘時習五戎山連恆嶽壯兵練代方雄赤
羽和門日朱旗列幕風九重親教閱不數被廬功

恭和

御製棲賢寺元韻

三峽匡廬勝幽棲畧侶之應真飛錫舊上足付衣誰枯
坐能離垢繙經且忍飢由來儒釋異親爲剖然疑

恭和

御製降旨免山西前歲民欠詩以誌事元韻

返釐禮中臺問俗溥宏惠正供減今年溫綸宣德意

載咨司農臣重稽格外例往者值偏災日惟單閱歲民
欠權倚閣爲軫礎瘠地茲來全豁除十行詔遐暨鴈
門功德峙汾水恩波逮祝聖轉金經佛日四表被

恭和

御製游千佛洞得古體四十韻

宗門心卽佛立說簡而約云何有千佛誰解此理竅清
涼真佛國僊洞鑿崑嶠得毋五丁手抉幽力排昇沿谿
向右折十步九回拗始進若入窟漸深未撤渟奇峯各
羅列如鹄或如鶴兩臂援攫拏一足夔跨躡遠望目已
胎下臨心更嬈洞口闐然豁神鎿夜光搖中有諸佛像

潛研堂詩集

卷五

二

膜拜來四微世尊說大乘迦葉示微笑藥叉魔波旬各
各護持效目健富樓佻大德修行劭不二啟法門文殊
提其要騎象誇俊貌邢用輿與轎一一具好相詎有脚
肥詣千佛本一佛心性人各抱三教理同源我皇竝
淡造春巡歷臺懷晴雲披絮帽四禪透宗旨掃除儒釋
闍因過白雲寺遂指西峪厝甘露功德水滿月天人貌
精舍樸而古秘洞窈且窅直上試輕驄寧辭路回繞卻
登絕頂望積雪四山巉泐螺鐘磬聲靜中間大樂叶山
田麥抽萌邨舍粟藏窖占豐察璇樞祝釐闡象教山靈
峇嵩呼洞府供宸眺宗鏡微乎微傳鏡道可道谿光

皆空明谷音自清妙天工巧渲染著色非意料紺字列
如麻茲焉獨幽峭付戒馬駒踏離怖鴿王叫于茲托新
詩泠泠鈞天調造化運爐錘理蘊入燭照小臣叨載賡
下里望莖韶叶追趨豹尾後異境媿未到韻奇已迫窘
况欲窮禪奧

恭和

御製題陳規守城錄元韻

從容應敵竟全城一局殘碁詰汴京大厦詎能支寸木
良醫未可恃黃精金湯無德難爲固輓輓非人何以行
天語煌煌垂定論先幾莫待事將成

恭和

御製題宋中興聖政艸元韻

和親何至以臣稱往事堪嘆宋紹興汴洛劫灰全不計
汪黃推轂已同登兩宮竟絕還歸望一策空矜魯動能
半壁偏安慚袖手長城自壞憤填膺漫言五馬南遷匹
幾見三軍北伐曾內禪得人差足慰詞臣歸美例相仍
為尊者諱詞多曲允執其中愆必繩大矣 皇言褒貶
正千秋公論式欽承

恭和

御製經畬書屋卽事元韻

六經教士各專治四庫新編 聖主時甲乙丙丁統所
部校讐繕錄慎攸司哲王道在惟欽若諸子言淆必辨
之日理 萬幾還學古健行以造物為師

恭和

御製游獅子園憶舊元韻

游賞卷阿咎日陪園居仍對碧峯開羹牆見處皆思聖
心性渾然不改孩 慈孝一誠常默感因緣有觸記從
來世尊法會真如毗餅水天雲絕點埃

恭和

御製鹿角椅元韻

五紋岐出質猶全想見 仁皇射獵年麋建虎文兵不
試椅名鹿角用長絲欲存大路椎輪儉詎鬪雕文刻鏤
妍手澤依稀 神鑒在 文孫繩武志殷然

雷王使鎮座主少宗伯介公有詩紀事次和
天教十日任鞭絲侶與谿山有夙期古寺半藏雲斷處
好花全放雨晴時三成官寄穿楊捷一隊征蹶踏雪遲
行帳追陪真是樂夜來頻醉百分卮

三月朔日疊前韻

日飲無何但學絲匆匆又過禁煙期折花紅杏滾邨裏
遷石清波激溜時山未知名看亦好客來不速話偏遲

同年小集今朝是遙憶芳醪倒屈卮

每月朔同年諸君例有小集

憶五臺山三疊前韻

清涼峯色翠如絲欲見文姝那有期靈境雲封全未識
鈍樾棒喝定何時但求達磨安心竟不礙豐干行腳遲
會得菩提本非樹可容無當也名卮

三月三日自曲陽入行唐境途中杏花盛開四

疊前韻

上巳煙光颺柳絲此行未負杏花期偶來冀北滾邨路
大侶江南細雨時每到餘枝鶯語密怕防落蕊馬蹏遲
鷓足若許隨身挂一朵真宜飲一卮

座主宗伯公折杏花一枝插行帳茶鐺中至晚
盛開有詩五疊前韻奉和

伴取爐煙細細絲拗花供養趁花期壇帷四面留香地
茶銚雙清吐蕊時著色還須崇嗣畫尋春真笑牧之遲
一枝何幸隨桃李也到公門侑玉卮

奉酬宗伯公見贈六疊前韻

清如冰夏直如絲坐我春風一月期燕許文章推後輩
崔盧門第冠當時八持玉尺衡材富雙引金蓮歸院遲
獨愧散材同社櫟縱經雕刻不成卮

真定府隆興寺七疊前韻

林立豐碑認色絲巍然傑閣俯崇期遺文猶識張公禮
殊像難描李伯時綺語多生消欲盡機鋒百偈轉空遲
醍醐具足清涼味未要花前白雪卮

游蓮花池八疊前韻

激汎十頃麴塵絲邂逅清游愜所期巖壑宛成千里勢
煙花況值暮春時游魚吹沫涵空樂浴鳥梳翎點水遲
一事尚留餘憾在不曾池上舉三卮

懷鄉九疊前韻

春筍秋瓜夏藕絲齊民月令有程期客來但乞澆花汰
僮約頻申曬藥時頗解著書師蔡癸也曾學圃問樊遲

大瓢五石原無用只合江湖作巨卮

寄題雪浪石用東坡韻

彈渦空復說登州那似雲根湧急流四面空嵌銜石骨
一拳凹凸激潮頭玲瓏明月懷中貯透瘦襄陽裏裏收
咫尺波濤來眼底渾疑朝暮見黃牛

送李萑畹進士東歸

籍甚詞壇第一流御風曾未到瀛洲揮鞭重指都亭路
又逐人閒款段游
截鳧斷鶴兩兼難天許才名折美官半刺但題前進士
故應蚤達勝方干

我識鄭公元斌媚人嫌李令太積唐雲門山色容局臥
大勝東華軟土心

古柏參天鐵榦成風霜歷盡骨逾清縱然才大難爲用
偶露文章世已驚

蠶尾山薑例可循頭銜未辨領詞臣生天偶落它人後
終是拈椎得髓人
岱宗訪篆劉斯立歷下題詩李泰和接俗十年多暇日
著書定較往時多

中秋後五日同錢坤一侍講王琴德舍人曹來

殷蔣漁邨二庶常過大慈延福宮

傑構出雲端三元舊戒壇延禧資母后董役出中官明成

化中孝肅皇太后建古壁丹青繪虛庭枯柏寒豐碑猶未圯剔藓

幾回看殿外有成化敕諭碑

翻盆伏雨接秋天避漏移牀夜少眠瘦柱壓敲支未穩

殘書徽漬曬無絲艸生屋頂多于薺車到街心泛若船

一事差強人意處久稀剝啄至門前

顯章慎旃舍人翠螺讀書圖

牛渚山頭月蛾眉亭上風謫僊已千載高興古今同鐘

響夕陽外書聲老屋中誰能識此樂毋乃逍遙公

題汪對琴博士後譚菽圖

識是詩人骨相寒瘦羊分得供朝餐偶然泥上畱鴻爪
便與人閒重此官

白雲明月悟前身諫果甘回味始真三百年來得同調
阿誰譚菽侶汪倫

過歸義廢寺

一泓古井兩株槐券尾比鄰署字皆輾橙糝糊埋碧蘚
古幢剝落臥空階老僧持鉢身全病過客尋碑眼獨揩

聽話閒坊宣化事利那興廢漫牽懷寺有彌陀邑特建起院碑載咸雍元年

年賣地券云今賣自已在京宣化坊門裏面街西小巷子內空閒地內有井一眼槐樹兩株未有東鄰南鄰西

潛研堂詩集 卷五
北鄰人姓名又載寺所藏畫像大小硬燈九壇輾燈四
壇云云又有石幢仆地其一面云會同九祀龍集敦牂
亦遼時物也

移寓

幾度柴車輾輾行喧囂爲避市人聲門開一面西山對
庭敞三弓夜月盈新燕呢喃邀他客古槐磊落事爲兄
玉虛道院南鄰近時有天風度碧笙

藤牀木几手揩摩洗足關門耐養病巷僻最宜生客少
家貧猶蓄古碑多先生自署支離安前輩曾題安樂窩

陶晚間阮裴園沈欽伯諸前輩俱曾寓此儻直從來須計月催租也伯吏催

科

潛研堂盧端臣先生招飲卽席賦呈

八米詞林秀蒲江樂府傳才應雄大歷名骨後盈川俗
味酸鹹別家風禮讓先蒸壺招弟子啟幕各忻然

五千里路賦南征六月都亭擁傳行桃李滿蹊教手植

冰淵一念久心盟長風欲渡江河漢壯觀全收冀豫荆

回首春明猶未遠試拈詩筆紀初程

四年五度此停驂玉尺重持祇自懶已卯七月典試山

年五月恭迎大駕幸巳二月扈漸識途矜老

五臺山皆宿長鄉此次過此詩五度矣馬智偶雷跡侶印泥參迎風窄堵金鈴語過雨憇顯翠

潛研堂詩集卷五騎客軟紅十丈點門人黃鐘校字

潛研堂詩集卷五
其地其一而云會門人黃巖刻字

物也

移寓

幾度柴車輾轆行
喧囂為避市人聲
門開一面西山對
庭敞三弓夜月盈
新燕呢喃邀倦客
古槐磊落事為兒
玉虛道院南鄰近
時有天風度碧笙

藤牀木几手揩摩
洗足關門耐養疴
巷僻最宜生客少
衣冠猶限家風
飄飄去燕壺
味淡千烟暮
谷泐然樂窩
八米歸林表
蕭山樂和暫
未熟大瓠
各宜發
盈川谷
科
蠶引次主
詩增鳴
蠶呈

潛研堂詩集卷六

嘉定錢大昕

奉命典試湖南出都宿良鄉縣有他

五千里路賦南征
六月都亭擁傳行
桃李滿蹊教手植
冰淵一念久心盟
長風欲渡江河漢
壯觀全收冀豫荆
回首春明猶未遠
試拈詩筆記初程

四年五度此停驂
玉尺重持祇自慚

已卯七月典試山東庚辰二月及今

年五月恭迎大駕辛巳二月扈漸識途矜老

馬智偶畱跡
侶印泥參迎風
宰堵金鈴語
過雨慙題翠
黛含應笑勞
勞車騎客軟
紅十丈點朝簪



宏恩寺

侵晨投豆店，便道訪桑門。排闥羣峯入，當街襍樹餘。法

王猶守律

寺僧係律門
與華山同宗

慈氏不言恩，強與安名字。誰將

公案論

督亢陂

督亢膏腴迹已荒，攜圖當日入咸陽。千金枉購夫人劍，

不及無且一藥囊。

道中即事

經月愁霖雲霧迷，怪來三伏冷淒淒。回風撼樹全疑雨，
積水平塍半化谿。古道已看濡馬腹，淺沔何止没牛蹏。

肩輿縱比徒行穩，怕聽禽言滑滑泥。

雨宿定興

三椽客舍小，于舟浙浙瀟瀟響。不休恰似故園梅，雨後
孤篷聽雨泊沙頭。

北方盛夏常憂旱，惟有今年苦雨連。官路水滾二三尺，
居民入市欲乘船。

輿丁

陸行不通車水行，不可船泥濘數里。閒行旅歎屯遭王，
事有程期豈敢或遷延。夙咎恣鞍馬，而况淖在前。籃輿
昇丁夫，跣足徒涉屨。夾輿以四丁，扶持防蹶顛。牽輓蟻

濬州堂言集 卷六 二
緣附參差魚貫聯退躡後人足進拍前者肩踏土仍踏
浪腳底懸渦旋所得纔分寸其難乃萬千嗟爾亦人子
詎不知自憐不憎胼胝苦終朝博百錢勞人以奉己我
慚紅兩顴前途可安行且莫歌局蝨

六奇孺子曲逆詠古

六奇孺子擅陰謀曲逆名城萬戶酬阿世取容終王呂
因人成事竟安劉白登圍解輸奇繪雲夢弓藏痛僞游
當日高皇數三傑運籌元只說留侯

定州道中

形勝居然控趙燕中山故國暫停鞭行來明月清風店

恰稱輕雲細雨天楊柳青濃圍近郭黍麻綠潤長平田
太行西北遙環擁千里蒼茫一氣連

雪浪石和東坡韻

韓幹散馬雲錦屯聲價未若海石尊古來文人例凌石
摩挲一日忘昕昏眾春園中春最好水木彷彿江南邨
誰移石丈此中貯一拳突兀當松門咫尺優他千里勢
天吳蹴踏光魂魄只疑靈洞通水府故遣白浪飛山梔
天工遊戲自奇絕嵌空不費雕鐫痕神物欲下襄陽拜
絕品宜與奇章論文登彈渦石安在當年曾養菖蒲盆
大千世界恒沙劫俛仰陳迹感慨存

真定

河朔雄藩自晉間南連趙魏北燕雲風聲勁挾滹沱響
山色青從恒嶽分宏正有靈應俎豆寶臣何物紀功勳
庶堂姑息無長策往事空悲成德軍

登隆興寺大悲閣周覽隋宋元碑刻晚宿雨花

堂對月得詩七首

飛檐縹緲做三層乾德規模記晉曾始信護持龍象力
千年傑構尚峻嶒隆興寺鑄金菩薩像并蓋大悲閣序乾德元年僧惠演撰

白豪殊相頂光圓聞說金塗七度全遇宋即興遺識在

荒唐且任老僧傳周顯德中設佛像鑄錢像中有文云遇顯即毀遇宋即興見僧惠演所撰

序

開皇龍藏護羅函奕奕錕鉤妙蹟鑿彈指周齊經幾劫

參軍猶署舊頭銜

長明鐙向佛前吹分付官錢幾貫支閏月上旬當恹懣

傳宣中旨出嘉禧元長明鐙錢記延祐五年僧承恩書文云閏正月初十日拜住恹懣第一

日嘉禧殿裏有時分欽奉聖旨云云

承旨書家奉楷楫膽巴遺跡久榛蕪惟餘本命長生碣

畱在西廊少榻摹元聖主本命長生祝延碑王思廉文趙孟頫書并篆額今在閣前西廊寺

舊有帝師膽巴碑亦趙書今無存

冰山一霎覆全傾玉券空鐫上輔名賸有孤嫠逢愍忌

施錢地下懺長生

秦王夫人施長生錢記至正十四年王訪撰秦王夫人者伯顏之妻恠烈

真氏也

輶車幾日太匆忙一宿安眠青豆房多謝雨花堂外月

照人心地亦清涼

望華塔寺

華塔同登最上頭重來清淚落西州金光紺碧依然在

忍向城南續舊游

去年三月與介少宗伯同登是塔今公已下世

戲題趙州茶棚

宗門語錄太紛拏直下鉗鑿是他家公案古今難勘破

鎮州蘿蔔趙州茶

柏鄉謁漢光武廟

白水出真人天符赤伏陳一成仍祀夏三戶果亾秦決

戰昆陽日膺圖鄙邑辰雄才殄羣盜大度保功臣豁達

高皇匹精勤宣席倫嚴陵星佗客南頓號稱親卜洛規

樽正崇儒教化淳祀延十二世頌溢卅三春小縣祠猶

古荒臺跡未湮石人傳誕妄

有碑大書光武斬石人處

麥飯話艱辛

樹老神鴉宿梁空乳燕賓冕旒紛夾侍想見帝王真

題圓津庵用壁間梁棠邨胡南荅湯西厓諸公

倡和元韻

名流題詠想當年興寄長松怪石邊無策破悶聊覓句

有方療俗是譚禪古藤侶慢低延月曲沼如珪冷浸天
燕楚往還經萬里飛鴻畱爪亦前緣

鄴中詠古

銅雀臺空霸業陳分香遺令劇酸辛纍纍疑塚都相侶
愁絕西陵泣望人

南皮公讌興何如雲散風流十載餘少壯人真須努力
至今猶寶偉長書

井蛙何事逞雄心一柱橋頭朽骨沈記否三臺功就日
殿中棘子已成林

專征景畧樹奇功瞥睨魚羊事業空太史浪占星得歲

雌雄飛早入秦宮

孝穆當年奉使還評量文雅薄衰孱中原文物知多少
心折韓陵片石閒

青雀飛來羽翼垂河邊殺癡那能羈內家相對空揮淚

玉體殷勤黃髮期

以上紛紛供御囚癡癡國是十年休風流宰相楊遵彥
只與君王進廁籌

口頭臨陣被犀渠投袂勤王葛誕如可惜關西好男子
老爲晉六茹驅除

苦熱

青蠅結隊故飛飛火織炎官又他威暑已失時猶張王

二字俱秋方當令尙依韋曉風稍稍涼侵被午日騰騰

汗透衣空羨蘇門高隱者迢然鸞鳳共忘機

自鄭州入新鄭道中他

百里陂陀路連岡往復皆雙厓堅似鐵一線旋如蝸

磬全疑石沙回忽有階坡翁烏帽句寫景妙難儕

東坡道中詩登高回首坡隴隔推見

鄭州鳥帽出復漫二句寫景宛然

從政威不猛五美之大端云何尙火烈以民爲艸營國

僑俗治鄭眾母鞠育殫遺愛長在人清淚尼父潛救世

鑄刑書要豈如申韓易簣告太叔猛易而寬難此言失
持平罔顧理所安將毋燥礲子傳會非真傳政寬則得
眾我思魯論言

過許州追悼亾友周西謙刺史

三載金臺別袂分繆爲恭敬意殷勤今朝真到繇城路

不見風流舊使君

已非夏西謙之許州任過予寓齋話別且言待子典試兩湖過許某當負

文章博洽世無雙手昔官齋榜古幢怊悵堂成人已逝

蛛絲空罥讀書窗

西謙到許後貽書言近移唐咸通石幢一後梁貞明石幢一于驛中築小室貯之顏曰古幢書屋

讀史縱橫貫弗功
眼光如月破羣蒙
和林舊事編成後
夏與何人質異同
予近改
修元史
夜臺寂寔竟何如
落月空梁夢見虛
不用中郎求貌侶
手痕細認隔年書

望中嶽

西來紫氣鬱千盤
天外諸峯馬上看
石闕遺文留漢篆
金泥絕頂表唐壇
星辰捫歷三霄近
松柏陰森六月寒
五嶽壯游初志在
何時扶屐到層巒

許昌詠古

讖書曾記代塗高
艸艸移都計枉勞
國是卅年禾絹諾

姦雄一手太阿操
樓桑未遂中興漢
石馬俄成大討曹
休詫牀頭捉刀者
軍司狼顧亦人豪
中興之中讀平
警唐人已有的

郵行

幾日輕陰暑漸銷
孤邨稍喜避塵囂
秋梁已穗宐刪葉
晚豆將花亟護苗
細細菱絲浮水面
纍纍瓜蔓挂牆腰
雨餘準備前途滑
伐柳填薪當小橋
眞羨寬鄉一老農
久無冰炭在心胸
妻工舉臼調鈴拙
兒解耕田識字慵
倉指動來炊飯熟
衰顏開處濁醪濃
平生不省公卿貴
世守頭銜賣菜傭

聞蟬

真令俗耳得鍼砭，凌汝迎涼不附爰。曉月一聲楊柳店，
午陰百過綠槐檐。身輕自覺能離垢，飲少從知未礙廉。
莫信忘機便無患，螳螂張臂亦何嫌。

雨宿蔡寨邨舍

爲避淋頭雨，聊求蓋頂茅。泥濘愁滑滑，雞唱聽膠膠。
野老能供饌，山僧暫打包。淹留隨處好，恐類伏波嘲。

田家

岐路忽三义，居民四五家。人行茅屋罅，犬吠枳籬斜。
拗項壺盧架，長身巨勝花。故園宛在眼，南望白雲遐。

雨止

天改雲容澹，人欣雨腳停。依依遠邨外，忽有數峯青。

曉行

揮策去匆匆，邨原極望同。樹枯時帶瘦，山好不嫌童。
紫蓼秋勝雨，青帘曉市風。輕涼適吾體，渾忘客途中。

與王惺園修撰對弈

曹騰長困日，如年暫賭楸枰。當晝眠真訝，觸蠻分敵國。
幾曾虞芮讓，閒田到頭才。悔全軍蹙得手，徒爭一著先。
白鶴觀中成例在，從來勝敗總欣然。

確山道中

毗望翠峻嶒，今朝度幾層。連岡肥少骨，仄徑曲如肱。
紅

倚谿頭蓼青垂屋角藤童兒纔五尺驅犢上高塍

渡淮

我咎北游過清口兩瀆交匯趨雲梯獨清安能救眾濁
浪湧半挾沙與泥今朝乘輅義陽郡遙望桐柏明秋霓
長台關外尋古渡輕舸撇波如鳧鷖粼粼白石照見底
輕風吹皺青玻璃連峯屈曲自回抱一條玉帶垂腰圍
南來計程三千近經涉滹沱漳洛淇渡河以後惟汝潁
終類邾莒朝魯齊當年神禹奠四瀆各以巨海爲會歸
河伯雖欲鵠巢占勢不肯下猶相持壯觀先後落吾手
所憐沈涉故道迷高興竟馳大別頂坐看江漢萬里朝

宗時

山行

了無犖确礙人行起伏高低路總平可是山靈多蘊藉
不將圭角露崢嶸
林於萬个柳千行木槿編籬卵石牆高地棉花窪地稻
不知身住在它鄉

自信陽入平靖關

宛轉雲盤畷崢嶸冥阨關千重包汴洛一綫劃荆蠻要
害思防戍登臨忘險艱四圍蒼潤意全改北條山
勢逼疑中斷途窮忽有梯祇尋山脈絡不辨景東西條

覺升天易終憂入窹低回頭來處路恍惚已難稽
紫翠繞重重橫岡夏側峯樹藏山面目雨拓水心胸花
艸都含秀陰晴亾改容此中多隙地安穩讓三農
水向山頭引人從屋上耕腰鎌收稻出背笠跨牛行籬
俗新栽槿屏編舊種荆雙河衣帶佻石罅弄琴箏
池沼天然滙曾無斧鑿瘡三時魚價賤七月蕩花餘風
定波猶急沙激水不渾在山清徹底難向外人論
夙抱看山癖曾無濟勝資此行天假優徂喜境多奇氣
厚蒸雲霧姿妍薄粉脂後來須刮目記我首題詩

七夕宿平靖關

七夕今朝是窮關風雨秋祇依山作嶂不見月如鉤兒
女團圓節征夫寂寡愁艸花籬外放也自號牽牛

自應山入安陸縣

百里孤城倚翠峰揮鞭南望翠猶濃地靈未肯趨平行
山意居然蹈複重絕磴千回牛旋磨危蹊一綫蟻盤封
後岡欲斷前岡合登頓翻添客興慵
控扼申光襄漢閩北來歷盡幾重關湖波演漾雲連藪
嵐氣空濛陪尾山背郭千家黃稗熟沿邨萬个綠筠環
征人日暝剛投宿細數昏鴉接翅還

雲夢縣

地湖西陵舊宮傳雲夢遺人煙低遠市秋意入疏籬
綠黃香冢苔封伍員祠圖經尋往蹟歷歷寄懷思

行連岡閣卽目

低岡如伏牛直上踏脊脊曲折隨地勢向背迷處所上
坡復下坡時見風帽舉日夕少人行斜陽亂鴉語

詠道中所見艸木

楊柳性易活道傍鬱婆娑一一懸官牌手栽數不訛行
旅苦煩暘小立清風過誰云無才思庇蔭亦已多前時
河水溢濁浪驕龍鼉斫伐千萬株猶足支橫波豫章號
良材十年始化科迂闊好大言收功竟如何

樗木生不材匠石棄弗視栽之官路旁蔥蔚亦可喜云

何冒樗名附會罔知恥枝葉偶相若臭味詎能似人言

樗易長舍彼寧取此噉哉逐臭夫亟去洗我耳

樗木俗名臭椿

孟秋天始涼下隰見紅蓼花籬帶露斜身弱得風早疏
籬淺水閒娟娟秀而好樞柢非堅牢顏色能自保騷人
倘回顧終覺異凡艸

木槿日及花晝榮夕輒悴莊生論小年蜉蝣蟪蛄類道
旁見一枝妖紅可人意未登君子堂俛仰籬下寄壽命
旦暮閒猶以色取媚嗟爾亦何知我言責太備

瓜壺皆蔓生莖葉頗相同秋來結實好纍纍懸屋東剖

瓜如蜜甜爭噉喧兒童生冷忌會多恐致腹疾攻壺盧
雖寡味佩之當藥籠中流偶失船坐收千金功徒以甘
苦論鄙哉田舍翁

浮萍生無蒂隨波忽近遠風來半汀失雨過一池滿飄
泊狂瀾中葉葉獨安穩眾芳憂淹溺乃以智自遜推移
不凝滯于我元無損不見長樂翁五朝被公衮

讀詩識芣苢采采向中田雨後綠葉肥結穗垂馬鞭物
微人所棄不堪充豆籩本艸幸見收弗以下品捐小試
輒有效果使結轡瘥用之苟得宏功豈下參連乃知醫
國手廣蓄所當先

小艸澹巴菰得名蓋未久移栽始閩嶠近乃處處有烈
日炙葉乾黃絲細如絛筠筒煙一縷相習以口受肺腑
非鐵石火攻奚可狃奈何今時人嗜此不忝手糜財粟
妨功濫觴起誰某安得拔其根危茜種千畝

武昌

驚濤卷雪壓城低九派江流迹已迷三楚颿檣風上下
萬家煙火水東西山圍大別單椒峙洲擁金沙碧艸萋
遙指僊人騎鶴地危樓終古切雲霓

秋花

蝴蝶紅房圻牽牛紫萼攢偶依籬角住也受露華團天

潘石室詩集 卷六
意憐秋艸人情感歲闌穠芳難耐久珍重及時看

邨中記所見

小小茅簷曲曲籬牆敲睡偕石頭撐日高編箔烘煙葉
雨歇攜耒打豆萁香稻已催千頃割殘荷猶見一枝垂
由來氣候山中別試補幽風七月詩

萬松岡 有序

七月十七日入咸寧縣行山岡閒夾道皆長松
官爲編號懸牌子樹記其生枯之數遙望小松
布滿崖谷其多如莽數十里中青葱不斷山故
無名予目之曰萬松岡詩以紀之

虬枝引路百尋強五粒新柯密化行說與它時編地志
嘉名合喚萬松岡
連岡登頓不嫌疲爲愛清標瘦瘦奇頗勝湛然老居士
低頭下拜萬松師

蒲圻山行

我家東海上百里不見山偶然平地覆一簣
僕已自號岡與巒茲來山行已五日置身長在煙雲間
橫峯側嶺各秀絕如眉如髻如玦環如龍掉尾牛奮角
神龜縮頸長蛇蟠濤聲十里松子落楓葉未老青猶攢
恍惚置我山陰道應接不暇目力艱寸岑倘可移吾里
壓倒虎邱

夏馬鞍高人偃蹇恥標榜名字那肯留塵寰區區河伯
傲海若夜郎自大呼可歎

高嶺舖

一徑入煙霞危崖赤侶砂石奇蹲巨豕路曲縮長蛇揆
釜宵煨芋提筐午捉花邨居無面勢茅屋數家斜

口占

萬疊雲嵐有路通一峯不與一峯同松篁夾道如迎送
人在秋山紫翠中

湛湛江楓葉未丹相逢有約算盟寒重來記取浚秋後
烘染殷紅待我看

潛研堂詩集卷六

門人黃鐘校字

潛研堂詩集

卷六

七

